

TE HENEURAA API

I neia i te piha neneiraa no te Ekalesia a Iesu Mesia i te Feia Mo'a i te Mau Mahana Hopea Nei i Papeete, Tahiti, i te mau fenua Sotaiete, i te mau avae atoa. Te hoo e piti farani i te matahiti hoê.

Nu. 7.

Tiurai, 1920

Mat. 14.

Aitu outou i ite, e hiero to outou tino no te Varua Maitai i roto ia outou na, tei noaa ia outou i te Atua ra, e ere hoi outou i to outou iho? Ua tauhiahia hoi outou i te tani, e teie nei, e haamaitai i te Atua, i to outou tino, e i to outou varua, no te Atua ia.

1 Kor. 6:16, 20.

E te mau mea atoa ta outou e rave ra, i te ohipa e te parau a rave ana'e ia ma te io'u o te Fatu ra ia Iesu, ma te haamaitai i te Atua ra i te Mesia ia'na ra.

Kolosa 3:17.

Te Tapao a te Atua Ora.

E te mau hoa no te Heheuraa Api e, e te mau taata atoa hoi o te taio i teie nei parau e, Ia ora na outou mai te I'oa o Iesu Mesia.

Ua tupu a'enei to matou feruriraa i nia iho i te hoê haapiiraa huru ê, tei haapararehia i rotopu ia outou nei, oia hoi te parau "*No te tapao a te Atua ora, oia hoi te tatauro,*" tei neneihia i roto i te vea Katolika no te ava'e ra Tiurai.

Te na ô maira taua parau ra e, "I roto i te Apokalupo i te pene VII, ua ite o Ioane i roto i te orama i te hoê melahi i te haereraa i nia, e te ia'na (*te tapao o te Atua ora*); E ua parau oia i te mau melahi tei tonohia e rave ino i te fenua e i te tai, eiaha e rave ino, e ia hope roa te mau tavini a to tatou Atua i te tapaohia to ratou rae. Apo. VII: 2, 3.

"Eaha teie tapao a te Atua ora ra?"

E i muri rii a'e i taua parau i nia nei ra, te na ô faahou mai ra taua vea ra e, "Mai te au i te parau a te Atua, ua riro mau te tapao tatauro, ei tapao no te Atua. Te reira te tapao e tuuhia e te merahi a te Fatu, oia hoi e to'na mau vea mau, i nia i te rae no te feia hinaaro mau e taviini i te Fatu. Apok. VII: 3."

Te faaite nei matou i raro nei, i te hoê mau irava no roto mai i te Bibilia o tei haamaramarama ia tatou i nia iho i taua irava ra. Tena ô maira to Ioane faaiteara e, "Hio atura vau, e inaha, te tia noa-ra te Arenio i nia iho i te mou'a ra o Siona, ma te taata atoa hoi i pihai iho ia'na, hoê hanere e maha ahuru ma maha i te tauatini, *ma te i'oa o to'na Metua i te papairaahia i nia iho i to ratou ra mau rae.*" Apok. 14: 1.

Teie hoi te hoê irava haamaramarama, "E e ore roa te anatema i reira; e i reira ra te terono o te Atua e to te Arenio e e haamori to'na mau tavini ia'na. E ite ratou i to'na mata, *e ei nia iho to'na i'oa i to ratou rae.*" Apokalupo 22: 3, 4.

"E parau mau teie nei mau parau, e te haavare ore; ua tonono mai hoi te Fatu ra o te Atua o te mau peropheta mo'a ra i ta'na melahi e faaite i ta'na mau tamarii i te mau mea e fatata i te tupu ra." Apok. 22: 6.

E au mau here e, e te mau hoa o te Heheuraa Apî e, ua faaue mai te Fatu i to'na atoa ra mau tavini, ta'na i maiti e ta'na i haamana na roto i to ratou parauraahia mai ia Aarona ra, ia rave i ta'na atoa ra mau ohipa mana, i roto mau i te *i'oa o Iesu Mesia*. Aore roa Iesu i faaue i to'na ra mau pipî ia tiavaru i te mau demoni e ia faaora i tei ma'ihia na roto i te hoê mea no te paeau tahuti nei, ia ravehia râ taua mau mea ra na roto mau i to'na ra i'oa mo'a. No te mana i horoahia ia ratou, i tia'i ia ratou ia rave i taua mau ohipa ra i to'na i'oa.

Te
ia'u; o
ia haer
horoa r
io'a ia'

E
tou e r
o te Fa
ia'na ra
i to'u u
hoi rato
e ino; e
iho."

Te
na ahu
ahu ra,
Ziona"
te tiara
na ra m
enemi e

Te
faufaa
e ora te

I to
I te tata
anei? E

E
faahapa
nei mat
tou i ta
tei au i

Te na ô maira Iesu e, "E ere o outou tei hinaaro mai ia'u; o vau râ tei hinaaro atu ia outou, e ua haapao ia outou ia haere outou e ia hotu i te huero, ei huero vaiiho taiata, ia horoa mai te Metua ia outou i ta outou e ani atu *ma to'u nei io'a ia'na ra.*"

Ioane 15:16.

E au mau here e, teie te ture, "E te mau mea atoa ta outou e rave ra, i te ohipa e te parau a rave ana'e ia ma te io'a o te Fatu ra ia Iesu, ma te haamaitai i te Atua ra i te Metia ia'na ra." Kolosa 3:17. "E hee te mau demoni ia ratou i to'u nei io'a; e parau hoi ratou i te parau apî; e rave noa hoi ratou i te ophi; e ia inu ratou i te mea taero, e ore ratou e ino; e ora hoi te ma'i ia ratou ia tuu i to ratou rima i nia iho."

Te pee atu nei matou i te Arenio, o to matou ia aratai, na ahu ana'ehia hoi matou i te hoê a'e huru ahu, e taua ahu ahu ra, o te ahu ia i parauhia e te peropheta ra, "Te ahu no Ziona", oia hoi te parautia e te mana no te Autahu'araa mo'a, te tiaraa mau ia ia rave i ta'na ra mau ohipa e ia faatia i ta'na ra mau oroa mo'a. Na roto ana'e i taua mana ra e vî ai te enemi e e faaorahia'i te feia ma'i.


Te na ô atoa maira taua Vea ra e, "Teie te piti: E mea faufaa rahi te tatauro e te hoho'a o te tatauro. E vî te enemi e ora te fei'a ma'i i taua tapao ra."

I te aha e hee ai te mau demoni e e ora'i te feia ma'i? I te tatauro anei e aore râ i te io'a o Iesu e te mana a te Atua anei? Ei ia outou te feruri e te pahono i taua uiraa ra.

E hoa ino ma e, e ere teie i te parau faaino e te parau faahapa, tera râ te hinaaro nei matou i te parau mau. Te imi nei maton i te mau parau mau atoa. E no reira e faafaito tatou i taua na parau e piti nei, mai te feruri maite e te maiti i tei au i te parau i papaiahia ra.

Papaiahia e,

Aneterea Sedamana.



Te Avaava.

Te haapii papu maira te episetole a te Aposetolo ra, o Paulo e, e hiero mau te tino o te taata nei; e taua hiero ra, no te Atua ia. E ia haaviivii te hoê noa'tu taata i te hiero (tino) ta te Fatu i horoa mai no'na ra, e pohe mau ia oia i te Atua.

Te na ô maira to Paulo faaiteraa e, "Aita outou i ite e, o te hiero outou o te Atua, e te parahira te Varua o te Atua i roto ia outou na? E ia haaviivii te hoê taata i te hiero o te Atua ra, e pohe oia i te Atua: e mo'a hoi to te hiero o te Atua, e taua hiero ra o outou ia. 1 Korinetia 3: 16, 17.

"Aita outou i ite, e e hiero to outou tino no te Varua Maitai i roto ia outou na, tei noaa ia outou i te Atua ra, e ere noi outou i to outou iho? Ua tauihia hoi outou i te tau, e teie nei, e haamaitai i te Atua i to outou tino, e i to outou varua, no te Atua ia," I Korinetia 6: 19, 20.

E ono huru maa e vai nei, o tei au maitai ia amu-noa-hia e te taata ra, oia hoi:-

1. te pape.
2. te mau maa miti.
3. te inai (proteins).
4. te mau maa albumen, (mai te huero mo'a).
5. te mau maa pia (carbohydrates) mai te umara, te pia, te uhi, te maniota e ia rau atu â).
6. te mau maa hinu e te ate.

Ia amu te taata i taua mau huru maa e tia'i.

E toroa to taua mau maa'toa i roto i te tino, e ia ore te te taata ia amu i te hoê o taua mau huru maa ra, e ore roa ia to'na tino e tupu maitai.

Te pape ra, ia anoioihia ia i te hoê mau mea o roto i te tino, e riro ia ei toto. Te vaehaa rahi o te tino taata ra, e pape ana'e ia. Te faaite maira te mau taata paari e, e toru tufaa i na tufaa e maha o te tino o te mau animala, e pape ia; e hoê tufaa, o te mau mea paari ia, mai te ivi e te i'o mārô.

Te mau maa miti râ, e toroa hoi to ratou i roto i te tino o te taata ra. Na teie maa maa e haamaitai i te toto e te mau ivi.

Te mau maa inai (proteins) ra, o te maa ia e tupu ai te i'o.

Te mau maa faatupu itoito (albumen), no te faaitoitoraa ia i te tino o te taata ra. Na taua huru maa ra e faaetaeta, haapu'ai e faaitoito hoi i te mau melo o te tino.

Te mau maa pia ra, (carbohydrates) o te hoê ia mau maa tumu no te tino o te taata.

Te mau maa hinu, (te ate) o te mau maa ia e faatupu ai i te mahanahana i roto i te tino.

Te vai atura te hoê mau mea e amuhia nei e te taata o te ore e tia ia parauhia e maa. Teie te hoê o taua mau mea ra, te pepa, te mutâ, te ava taero, te taofe e te tî. E ere roa taua mau mea ra i te maa, e mau raau râ ia. Ua hamani te Atua i teie mau mea ra ei raau no te taata nei, eiaha ra ei maa.

Ia amuhia, e aore râ ia inuhia taua mau raau ra, e faa-araara ia ratou i te mau uaua o te tino, e itoito ai ei taime pototo te mau melo. E pamu puai te mafatu i te toto na roto i te mau uaua; e ia huru maoro e ho'i te mafatu i to'na huru mau; e e paruparu ihora te tino, e e hinaaro te taata ia taoto. O te huru ia o taua mau raau ra.

Te vai atura te hoê mau raau o tei parauhia e mau raau faataoto i te mau uaua (narcotics). Te rahiraa o taua mau raau ra, e mea taero ia. Teie te tahi o taua mau raau ra:-

1. Te nicotine (te raau taero ia e itea i roto i te avaava).
2. Te opium (te puhihuhihia e te mau Tinito).
3. Te morophine.
4. Te cocaine.
5. Te chloral.

Ia tae taua mau raau faataoto uaua ra (narcotics) i roto i te tino o te taata, e tupu ia te rohirohi, te faatau e te hinaaro e taoto, no te mea e, e faataoto taua huru raau ra i te mau uaua o roto i te tino. E faaore taua mau raau ra i te

mauiui e te mamae no te mea e, e taoto te mau ūaua ia ratou, e te mau uaua ra, o te tumu ia no te mau huru mauui atoa.

E ere roa te avaava i te mea maitai no te tino, no te mea, tei roto ia'na taua raau taero ra i parauhia nicotine.

Ia puhipuhi noa te taata i te avaava e riro to'na ra mau uaua i te taoto; e haapoirihia to'na feruriraa.

Ia tutuihia te citareta e aore râ te puhipuhi raau e te mati, na te veavea e faairiro i te raau taero nicotine, mai te auauahi te huru. E e huti ihora te taata i taua auauahi ra i roto i to'na ra vaha. E na te pape e vai noa i roto i te vaha e faatoetoe faahou i te nicotine, e e haapaari faahouhia ia i reira, e e piri ia i te arero e te vaha. E horomii ihora te taata puhipuhi avaava i taua pape e te raau taero ra, e e tae a'era te raau taero i roto i to'na toto.

Te haapii maira te hoê orometua paari no te haapiiraa teitei, o Harvard e, e ino te mafatu, te opu, te mau uaua faataheraa toto e te mahaha i te raau taero i roto i te avaava.


E hoa ino ma e, e ere anei te puhipuhiraa avaava i te hoê peu ino rahi roa? Oia mau ia. O te hoê ia mea e viivii ai to tatou nei mau tino, te mau hiero i horoahia e te Atua ia tatou nei. Eita te varua o te Atua e parahi i roto i te hiero viivii. Eiaha tatou ia hamani ino e haaviivii i to tatou nei mau tino. Ia parahi te varua o te Atua i roto ia tatou e tia'i.

E feruri tatou i teie mau parau, e e imi tatou i te mea maitai. Te na ô maira te Maseli 20 e, "E tahitohito tei te uaina; e hauti rahi tei te ava taero; e ere i te taata paari tei vare i te reira."

E tahitohito hoi tei te avaava, e ino rahi tei te raau taero nicotine; e ere roa ia i te taata paari tei vare i te reira.

Papaihia e

Aneterea Sedamana.



Te Opahi i te Tumu Raau.

“Te vai nei hoi te opahi i te tumu raau i teie nei â, e te-mau raau atoa aore i hotu mai i te huero maitai ra, e tâpûhia ia e e hurihia i roto i te auahi.” Mataio 3:10.

I te mahana i heheu mai ai te Fatu ia Iosepha Semita e, ua taiva roa te mau haapaoraa'toa ia'na, no te mea e, “E hoho'a paiete to ratou, area râ te maua no te reira te hunahia ra ia”; o te mahana mau ia i tuuhia'tu ai te opahi i te tumu raau no te mau haapaoraa i parauhia Kerisiano.

Ua ite atea te peropheta Daniera i te faatiaraahia te hoê Basileia, i te mau mahana hopea ra, “O te ore roa e mou, e o te ore roa hoi e riro ia vetahi ê, e hope roa hoi taua mau basileia i te parari e e pau, e vai tera e a muri noa'tu.” Ua ite atoa oia e, e tuuhia te opahi i te tumu raau no te mau haapaoraa atoa e faatihia na roto i te mana taata.

I te mahana i horoa mai ai te Atua i te mau ture a te pupu o Enoha i te feia mo'a no te mau mahana hopea nei, na tuuhia ia te opahi i te tumu raau no te mau ohipa orurehau, te tîfiraa, te veveraa e te mau haapaoraa faahopo noa. Mai te mea ra e, e haapao te taata i taua mau ture ra, e faa-faitohia ia te taata atoa, e e faaore-roa-hia te mau ohipa ino atoa a te taata nei.

E opahi mau te Parau no te Paari, i te tumu raau no te ohipa inu ava taero, te puhipuhiraa avaava, e te mau ohipa atoa e viivii ai te tino o te taata nei. Te tapuhia nei taua raau ra, e e hurihia ia i roto i te auahi.

Te ture no te faaipoiporaa i te paeau tino e te paeau varua atoa hoi, o te opahi ia i te tumu raau no te faaturi, te poreneia, te faataaraa e te mau hara e rave rahi atu â.

Ia tapuhia taua mau raau atoa ra, o te faahotu mai i te mau huru maa i rahuihia ra, e tia'i. Eiaha ia faaanohia te vahi ururaa i tupu ai ratou, ia tanuhia râ e ia faaapuhia i taua mau vahi ra, te mau raau o te faahotu mai i te huero

maitai. Te raau no te ora. o te raau ia e au ia tanuhia i taua mau vahi i tapuhia'i te mau raau no te pohe. Te mau rauere no taua raau no te ora ra, o te mau parau tumu ia no te E-vanelia a Iesu Mesia, e to ratou ra toroa o te faaoraraa ia i te mau fenua. A hio i te Apokalupo 22: 2.

Papaihia e

Aneterea Sedamana.

Te Tamaiti e te Luko.

Ua tonono te hoê metua tane i ta'na tamaiti i te hoê vahi maemoe ia tia i ta'na ra mau mamoe ia ore taua mau mamoe ra ia haapurarahia e te mau puua taehae no te aru.

Te rave ra te metua tane e ta'na ra mau taata i te ohipa i roto i te hoê aua i te atea ê, faaroo ihora oia i ta'na tamaiti i te piiraa, "E lukō! e lukō!"

Ua faarue a'era taua mau taata ra i ta ratou ra ohipa, horo haapeepepe atura ratou i te aua mamoe, ite ihora ratou e, aita e lukō i reira.

Te amu noa ra te mau mamoe i te matie, e te tarava ra taua tamaiti ra i nia iho i te fenua i raro a'e i te hoê tumu raau.

Tae a'era i te mahana i muri ihora, te tia noa ra taua tamaiti ra i ta'na ra nānā mamoe, pii faahou atura oia e, "E lukō! e lukō!"

Horo faahou atura te mau taata rave ohipa ra i taua vahi moemoe ra, mai te mana'o e, ua taparahihia te hoê mau pinia mamoe, roohia ihora e, aore e lukō to reira.

Te amu noa ra te mau mamoe i te matie, e te tarava ra taua tamaiti ra i nia iho i te fenua i raro a'e i te hoê tumu raau.

Ho'i faahou atura taua mau taata ra i ta ratou ra ohipa mai te ite e, ua haavarehia ratou e taua tamaiti ra.

Tae a'era i te tahi mahana, ua tae mau mai te hoê lukō taehae roa i taua aua mamoe ra, haamata ihora ia i te tapa-

rahi i te mau pinia mamoe, tupu ihora te mata'u o taua tamaiti i te rahiraa, pii puai a'era oia, "E luko! e luko!" aita râ te hoê noa'tu taata i haere mai ia tauturu ia'na. Hahae-roa-hia ihora te mau pinia mamoe e te mau mamoe hoi e taua luko taehae ra.

E tia ia vai ia faaroo i te parau a te hoê tamaiti haavare?

E hoa ino ma e, o te hoê aamu maitai roa teie ia haapii atu i to tatou mau tamarii. Haapii puai ia ratou i te hapa rahi roa a taua tamaiti haavare ra. O te hoê ia faaueraa a te Ekalesia, ia haapii te taata'toa i to ratou ra mau tamarii i te mau mea maitatai. "Te faaroo nei matou eiaha e haavare** **." E haapiiraa maitai roa hoi teie aamu, i nia nei, no te taata'toa.

Hoê â ia hopea to te taata haavare atoa i to taua tamaiti ra, hopea.

Faaauhia ei re'o Tahiti e, Aneterea Sedamana.

Te Peropheta Elia.

I muri mai i te mau mahana no Solomona e te taivaraa o na opu hoê ahuru e te afa ia Rehoboama, te tamaiti no Solomona, e rave rahi to Iseraera mau arii.

Te rahiraa o taua mau arii ra, e mau arii parautia ore ia. E piti noa iho arii maitai to te ati Iuda i taua mau mahana ra, oia hoi, o Asa e ta'na tamaiti Iehosaphata.

Ua fafau ê na Iehova ia turu atu i te Basileia no Iuda, no te mea e, ua ite oia e, e na roto mai ia i taua opu ra, e tae mai ai te Faaora, o Iesu Mesia.

Ia mairi a'era na matahiti e rave rahi i muri i te mau mahana no Solomona, ua faatia te Atua i te hoê Peropheta rahi i rotopu i te mau tamarii no Iseraëla. O Elia te i'oa o taua peropheta ra. E ati Tisebi oia. Ua haere Elia i mua i te aro no te arii parautia-ore'o Ahaba, faaite ihora oia ia'na ra e, e ore roa te Atua e haamairi faahou i te ua i nia iho i te fenua ra, e ia maoro roa te mahana.

Parau ihora te Atua ia Elia e horo e faatapuni ia'na iho i pihaiho i te hoê anapape; no te mea e, te hinaaro ra te arii vahine o Iezabela ia taparahi ia'na. Riro ihora Elia i te inu i te pape o taua anapape ra. Ua afai maira te mau oreba i te maa na'na i te poipoi e i te ahiahi.

E maoro rii a'era, mārô atura taua pape ra, no te mea e, aita te ua e mairi faahou i taua fenua ra. Faaue ihora te Atua ia Elia ia haere tia i te hoê oire, ei reira oia e farerei ai i te hoê vahine ivi o te riro i te horoa i te pape e te maa na'na ra.

E tae a'era oia i taua oire ra, ite ihora Elia i te hoê vahine i te ohi haere raa i te vahie. Pii ihora Elia i taua vahine ia hopoi mai i te hoê maa pape e te hoê maa pane ia'na.

E maoro iti a'era tnpuhia ihora te tamaiti o taua vahine ivi ra i te ma'i, e pohe roa a'era oia. Oto roa ihora taua vahine ivi ra no ta'na ra tamaiti i pohe ra. Rave ihora Elia i taua tamaiti ra, hopoi atura ia'na i roto i te hoê piha, pure atura oia i te Atua ia faaho'i i te varua i roto i te oivi o taua tamaiti ra, ora roa atura oia.

E ia tae i te toru o te matahiti te vai noa ra te o'e pape e te o'e maa i te fenua ra. Haere atura o Elia i mua i te aro o te arii ra, o Ahaba. Ua faaite ihora Elia ia'na e, e peropheta mau oia no te Atua teitei. No te hoê mau semeio i ravehia e ana, i ite ai te arii e te mau taata e, e mau peropheta haavare te mau tahu'a no Baala. Ua taparahihia ihora taua mau tahu'a ra.

O te hoê peropheta mana rahi Elia. Aita to Elia ohipa i oti i taua tuuraa parau ra i te anotau tahito. Ua ite râ tatou e, ua tae faahou mai oia i te ao nei i te mahana hopea nei e ua horoa oia i te mau taviri no te faafariuraa i te aau o te mau metua i to ratou ra mau tamarii e te faafariuraa hoi i te aau o te mau tamarii i to ratou ra mau metua. Ua fâ mai oia ia Iosepha Semita raua Olive Kauderi i roto i te hiero i Kiritirani i te tufaa fenua Ohio i Amerita.

Papaihia e,

Aneterea Sedemana.

Mau Parau Apî

Hikureu i te 16 no Tiunu 1920.

Ua tae mai te hoê poti uira, Tapa te io'a, mai Raroia mai. Ua faaite mai i te tahi parau apî o tei tupu i nia i taua poti ra i te 15 no Jiunu. mai teie te huru; ua reva mai taua poti ra mai Raroia mai, o Ioane Roo te raatira. Ua afai mai taua poti ra i te tahi taata ma'i o Tupuranga te i'oa; e ma'i huru maamaa ia to taua taata ra. I tua, ua haamata te hauti o taua taata ma'i ra e ua hinaaro oia e ou'a i raro i te miti. Ua tapea râ te mau taata o nia i taua poti ia'na ra. Ua parau mai te tahi taata o Wiriamu Roo e taamu ia'na i te taura ua parau te tahi pae eiaha e taamu, e mea ri'ari'a. Aita'tnra taua taata ma'i i taamuhia.

Ia tae i te tuiraa po ua ou'a taua taata ma'i ra i raro i te miti. Ua pii mai te taata o te mau i te hoe faatere no te poti, ua ou'a o Tupuraga. Ua ara te mau taata o te poti. Ua taamino te poti e imi, e ua iteahia taua taata ra i te pae i raro o te poti. Ua ou'a o Wiriamu Roo e haru ia'na, hopu ihora taua taata i ou'a ra, i raro. Ua ho'i mai o Wiriamu Roo i nia i te poti, itea-faahou-hia ihora taua taata ma'i ra na muri i te poti. Ua ou'a faahou o Wiriamu e haru i taua taata ra, hopu faahou ihora taua taata ma'i ra i raro. Ua ho'i faahou o Wiriamu i nia i te poti. I reira to taua taata ma'i moeraa, aita i ite-faahou-hia. Ua taninito noa'tura te poti i reira, e hoê hora te maoro, e aita roa oia i iteahia.

Ua faaoti te mau taata o taua poti ra i te tahi pureraa no te poheraa o taua taata ra. Ua faarue atura taua poti ra i taua vahi ra, revamaira i Hikueru. I te hora 11 i te avatea, ua tae mai ratou i Hikueru nei. Ua faaite mai ra ratou i te parau api ua aehuehu ihora te mau taata atoa o tei faaroo i taua parau ra. O Tupurano a te i'oa o te taata i uu'a i roto i

te miti e tamaiti oia na Tavita, e na te vahine ra na Tekeho no Raroia no Takume. Papaihia e to outou taeae i te faaroo nei, Kirianu Tetavahi a Mariteragi.

I te avae Eperera ua tupu te hoê orure-hau i te fenua ra o Guatemala i Amarita i te pae i Apatoa. Ua huritumuhia tei mutaaaho hau e ua faatiahia te hoê hau apî i reira.

I te avae Eperera, te tama'i ra te Tapone e te Rusia i te fenua Rusia.

I te matahiti i mairi a'e nei, i te fenua Baratane, ua taiohia te rahiraa o te mau tane e te mau vahine e ua iteahia e, ua hau roa te vahine i te rahi, oia hoi, e 1,500,000 i nia roa i te taatoaraa o te mau tane. Te imihia nei te hoê ravea e faafaitohia'i ratou.

O Mrs. Yone Susuki, o te io'a ia o te hoê vahine ivi ta-o'a rahi no te fenua Tapone. Ua parauhia e, o te vahine tao'a rahi oia o te ao taatoa nei. E 35,000 taata rave ohipa e tarahu-noa-hia nei e ana.

E 641,900 faehau puta i te fenua Amarita o tei ore e nenehe ia ratou ia rave faahou i te ohipa. Te faaite maira te taata o tei imi i taua numera ra e, e pau e 325 milioni dala i te matahiti hoê i te hau no te poihereraa'tu i taua mau faehau ra.

I te 14, 15 e te 16 no Tiurai, i Papeete nei, ua faahana-hana-maitai-hia te mahana fanauraa o te Repubalica. E rave rahi te huru o te arearea i haapaohia i taua na mahana e toru ra.

L. H. KENNARD Jr. Imprimeur, Rue Brea et de la
Rue Dumont d'Urville, Orovini, Papeete, Tâhiti

I nei
te Mat
i

Nu.

Ho
o te tao

E

nua e h

i ta'na

heu hoi

oia ia,

ta'u ris

rima a

reira e

katarar

abolo e

O
titi-hia

faairi

Mai te

tavini,

maa o

No

i te i'o

tamari

ma e,